

ԲԱՐԵԳՈՐԾ

BAREGORTS

հուլիս- օգոստոս , 2018, N 3 (40)

БАРЕГОРЦ

«ԳՈՒՐԳԵՆ ՄԵԼԻՔՅԱՆԻ՝ ՔԱՇԱԹԱԴԻ ԲԱԶՄԱԶԱԿԱԿ ԸՆՏԱՆԻՔՆԵՐԻ ԶԻՄՆԱԴՐԱՄԻ» ՊԱՇՏՈՆԱԹԵՐԹ

ՇՆՈՐՀԱՎՈՐԱՆՔՆԵՐ

(հիմնադրամի 25-ամյակի և «Բարեգործ» պաշտոնաթերթի 40-րդ համարի առթիվ)

ԱՐՑԱԽԻ ԶԱՆՐԱՊԵՏՈՒԹՅԱՆ ՆԱԽԱԳԱՅ

ք. Ստեփանակերտ, 9 օգոստոսի, № 1-06/457

Շնորհավորական ուղերձ «Գուրգեն Մելիքյանի՝ Քաշաթաղի բազմազավակ ընտանիքների հիմնադրամի» 25-ամյակի կապակցությամբ

Հարգելի՛ բարեկամներ,

Արցախի Հանրապետության իշխանությունների և անձամբ իմ անունից ի սրտե շնորհավորում եմ «Գուրգեն Մելիքյանի՝ Քաշաթաղի բազմազավակ ընտանիքների հիմնադրամի» 25-ամյակի կապակցությամբ:

Սա նշանակալի իրադարձություն է մեր երկրի կյանքում: Ստեղծվելով հայ ժողովրդի համար ծանր ժամանակահատվածում՝ հիմնադրամն իրականացրել է հայրենանվեր առաքելություն, որն արժանի է ամենաբարձր գնահատականի: Այս բոլոր տարիների ընթացքում նա կանգնած է եղել արցախցու կողքին՝ օգնելու հաղթահարել բազում դժվարություններ, դիմակայել անհամար փորձությունների, տեր կանգնել հայրենի հողին և օջախին, շենացնել ու զորացնել այն:

Այս ազգանվեր գործունեության ընթացքում Արցախում կյանքի են կոչվել բազմաթիվ ծրագրեր սոցիալական, կրթական, մշակութային և այլ ոլորտներում: Արցախը մայր Հայաստանին կապող Քաշաթաղի շրջանում հիմնադրամի աջակցությամբ վերականգնվում ու նորոգվում են դպրոցներ ու մանկապարտեզներ, Արցախի և Հայաստանի բուհերում ուսում են ստանում հարյուրավոր կարիքավոր ընտանիքների երեխան-

եր, իրականացվում են տարբեր միջոցառումներ՝ ուղղված մեր լեզվի ու մշակույթի պնատմության ու ազգային ինքնության պահպանմանն ու զարգացմանը: Հետևողական աշխատանք է տարվում քաղաքացիների սոցիալական խնդիրների լուծման, հանրապետությունում ժողովրդագրական իրավիճակի բարելավման ուղղությամբ:

Այս բոլոր աշխատանքներն արհեստավարժ կերպով լուսաբանվում են հիմնադրամի պաշտոնաթերթ «Բարեգործի» էջերում, որի հոբեյանական 40-րդ համարն է արդեն լույս տեսնում:

Թանկագին՝ բարեկամներ,

Մեկ անգամ և շնորհավորում եմ հիմնադրամի բոլոր անդամներին այս հիշարժան տարեդարձի կապակցությամբ և մաղթում հետագա հաջողություններ ու ամենայն բարիք:

Վստահ եմ, որ հիմնադրամն այսուհետև ևս նույն ջանասիրությամբ ու արդյունավետորեն կիրականացնի իր գործունեությունը՝ արժանի ավանդ ունենալով մեր հայրենիքի ու ժողովրդի զորացման ու բարգավաճման գործում:

Ստորագրություն՝ ԲԱԿՈ ՍԱՅԱԿՅԱՆ

ԱՐՑԱԽԻ ՀԱՆՐԱՊԵՏՈՒԹՅԱՆ ՇՈՒՇԻԻ ՇՐՋԱՆԻ ՎԱՐՉԱԿԱԶՍ

24 հուլիսի 2018

№ 2/151

«Գուրգեն Մելիքյանի՝ Քաշաթաղի բազմազավակ ընտանիքների հիմնադրամի» գործադիր տնօրեն

պրն Գուրգեն Մելիքյանին

Հարգելի Գուրգեն Վրեժի,

Շուշիի շրջանի վարչակազմը խորին երատագիտություն է հայտնում Ձեզ՝ շրջանի բնակչությանը և հատկապես կազմակերպություններին պարբերաբար ցուցաբերվող օգնության համար:

Առանձնապես զգալի է Ձեր կողմից վերջերս գյուղական բնակավայրերին 1208 զույգ կոշիկ անհատույց տրամադրելը:

Հուսով եմ՝ մեր համագործակցությունը կլինի շարունակական՝ ինչի արդյունքում համատող ջանքերով կլուծենք բնակչության սոցիալական վիճակի բարելավմանն ուղղված տարաբնույթ հարցեր:

Հարգանքով՝

ղեկավար (ստորագրություն) Վ. ԿԱՍՅԱՆ

ԱՐՑԱԽԻ ՀԱՆՐԱՊԵՏՈՒԹՅԱՆ ՔԱՇԱԹԱՂԻ ՇՐՋԱՆԻ ՎԱՐՉԱԿԱԶՍ

Շ Ն Ո Ր Հ Ա Կ Ա Լ Ա Գ Ի Ր

«Գուրգեն Մելիքյանի՝ Քաշաթաղի բազմազավակ ընտանիքների հիմնադրամը» (գործադիր տնօրեն՝ Գ. Մելիքյան) շրջանում իրականացնում է բազմաբնույթ սոցիալական, կրթական, քաղաքաշինական, բնապահպանական ու այլ մարդասիրական ծրագրեր, որի համար և ի նշանավորումն հիմնադրամի 25-րդ տարեդարձի շնորհավորում ենք և հայտնում մեր խորին շնորհակալությունը:

Հիմնադրամն ստեղծման օրվանից իր նշանակալի դերակատարումն է ունեցել շրջանի վերաբնակեցման ու զարգացման գործում:

Հիմնադրամը Քաշաթաղի շրջանի՝ տարիների փորձություն անցած լավագույն բարեկամներից է:

30 հուլիսի 2018

ՎԱՐՉԱԿԱԶՄԻ ՂԵԿԱՎԱՐ՝ (ստորագրություն, կնիք)

Ս. ԽԱԶԱՏՐՅԱՆ

ՁԵՐ ԵՐԹԻՆ ՎԱԽՃԱՆ ՉԿԱ

Արցախյան ազատամարտն իր հետ բերեց ոչ միայն համազգային ուժերի նպատակասլաց համախմբում ու ոգեղեն վերածնունդ, այլև մեր կյանքի մշակութային, գրական ու պատմական, ազգագրական ու ժողովրդագրական ասպարեզների վերընձյուղում: Կյանքի կոչվեց նաև բարեգործության գաղափարը, որը գնալով լայն թափ ստացավ: Ստեղծվեցին մեծ ու փոքր բազում մարդասիրական ու բարեգործական կազմակերպություններ, միություններ ու ընկերություններ, որոնցից մեկն էլ արդեն քսանհինգ տարի գործող «Քաշաթաղի՝ Գուրգեն Մելիքյանի բազմազավակ ընտանիքների հիմնադրամն» է, որի միջոցները գոյանում են հիմնականում արտասահմանի մեր հայրենակիցների նվիրատվություններից և հենց Գուրգեն Մելիքյանի՝ գործադիր տնօրենի անձի նկատմամբ ունեցած մեծ վստահության շնորհիվ:

Արդյունավետ է հիմնադրամի բազմաձյուղ գործունեությունը՝ սկսած սննդից ու հագուստից, ուսումնական, կրթական, հրատարակչական, հայրենագիտական և այլ ոլորտներից և վերջացրած հազարավոր պտղատու և դեկորատիվ ծառերի (հիմնականում ընկուզենի, սոսենի, թթենի) տարիներ շարունակ անընդմեջ իրականացվող ծառատունկերով, Բերձոր շրջկենտրոնի և Քաշաթաղի հեռավոր գյուղերի բազմազավակ ընտանիքներին տարաբնույթ օգնություններով ու մանավանդ վերջերս մեծ ծավալ ստացած խոշոր եղջերավոր անասունների՝ կաթնատու կովերի անհատույց հատկացումներով:

Բարեգործական այս կազմակերպությունն իրագործում է անփոխարինելի մի առաքելություն ևս. Հարյուրավոր արտասահմանցիների, ուսանողների, երիտասարդների ու դպրոցականների օգնում է ուղղելու մեր հայրենիքի չքնաղ այն եզերքը, որն այսօր ողջ հայության ազատության պայքարի և հաղթանակի խորհրդանիշն է, Հայաստան երկրի գոյության երաշխիքներից մեկը:

Այս ամենի համար էլ ի սրտե ողջունում եմ «Քաշաթաղի՝ Գուրգեն Մելիքյանի բազմազավակ ընտանիքների հիմնադրամի» քսանհինգամյակը և այդ միության օրգանի՝ «Բարեգործ» թերթի քառասուներորդ հոբելյանական համարի լույսընծայումը՝ մաղթելով, որ նրանց ազգանվեր ճանապարհն անվախժան լինի, ճանապարհ, որ բարության է տանում, մարդասիրության ու հայրենասիրության:

ԱՐԾՐՈՒՆ ԱՎԱԳՅԱՆ

01. 08. 2018

ՊԱՏԱՌԻԿՆԵՐ ՀՀ ԵՎ ԱՐՑԱԽԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ՀԵՐՈՍ ՄՈՆՈԹ ՄԵԼՔՈՆՅԱՆԻ ՄԱՍԻՆ ՀՈՒՇԵՐԻՑ



Գուրգեն Մելիքյանը և երջանկահիշատակ բարերար, մեր հիմնադրամի լավ բարեկամ Մերժ Փափայանցը՝ 2000 թ. գարնանը Քաշաթաղի Բերձոր շրջականտրոնի մատույցներում՝ ամայի վայրում, հիմնեցին գորավար Մոնթե Մերոնյանի անվան պուրակը



Գուրգեն Մելիքյանը, քույրը՝ Մայլեն, և եղբայրը՝ Մարգարը՝ Նկարում՝ 2018 թ. հունիսին Մոնթե Մերոնյանի ծառաշատ պուրակ և հերոսի հիշատակը հավեժացնող հուշարարին այցի եկած նրա հարազատները՝ ձախից աջ՝ քույրը՝ Մարսիան, կինը՝ Սեդան

Ա.

Արցախի անկախության համար մղվող պատերազմը դեռ շարունակվում էր, երբ ես ու ամուսինս՝ Ջորջ Նաջարյանը, հանդիպեցինք լեզենդար ազատամարտիկ Մոնթեին:

1993 թ. մայիսն էր: Մոնթեի քաջությունն ու խելացի ռազմական մարտավարությունը մեծապես օգնեցին հաղթել ազերի բռնակալների դեմ հայերի պայքարում:

Առաջին անգամ նրան հանդիպեցինք Գանձասարում, Արցախի բարձր լեռներում ծվարած 10-րդ դարի մենաստանում: Լեռան եզրին կանգնած՝ նայում էինք հովտին ու Լեդի Քոքսի հետ միասին գրուցում էինք Մոնթեի հետ: Քոքսն ու ես փորձում էինք նրան խորհուրդ տալ, թե ինչ խոսի հարցազրույցի ժամանակ: Փորձում էինք համոզել նրան, որ ավելի պակաս ռազմաշունչ ու ավելի դիվանագիտական լինի իր պատասխաններում:

Ուզում էինք, որ մամուլը հավանի նրան, համակրի ու սատարի անկախության նրա պահանջին՝ հուսալով, որ պատերազմը շուտով վերջանալու է: Բայց Մոնթեն Մոնթե էր մնում՝ անդրդվելի իր դիրքորշման մեջ. նա չէր զիջելու: Նա մամուլին հայտնելու էր, որ ինքը պահանջում էր ամբողջ Արցախը, և ոչ մի թիզ պակաս: Ասելու էր, որ արցախահայերը հաղթելու են, որովհետև Արցախը պատմականորեն հայկական հող է՝ իր բացառապես հայ բնակչությամբ, պատմամշակութային հնագույն ու նոր հայակերտ հուշարձաններով ու բնակավայրերով՝ այսօր առավել ևս:

Մոնթեն չէր պատրաստվում փոխել իր խոսքը մի քանի լրագրողի հաճոյանալու համար: Նա հստակ գիտեր՝ ինքն ինչ է անում և ինչու: Այդ մենք պետք է ընդունենք որևէ խնդրի հանդեպ նրա դիրքորշումը և այդպես էլ արինք:

Բացի այդ, նա ճշմարտության և պատվաբեր վարքի չափանիշներ էր սահմանել իր մարդկանց համար: Ըստ այդ չգրված կանոնակարգի՝ նախ՝ չէր թույլատրվում ծաղրել կամ նվաստացնել տղամարդկանց: և ապա՝ Մոնթեն բոլոր զինակիցներից ազնվություն ու նվիրվածություն էր պահանջում Արցախի սուրբ գործին:

Նրա հետ ճամփա ընկանք ոչ հեռու գտնվող Գիշի գյուղ ու գյուղացիների, հատկապես երեխաների կողմից նրա անհավատարի ընդունելության ականատեսը եղանք: Բազում երեխաներ դուրս թափվեցին ինչ-որ տեղերից, որպեսզի նրա ետևից գնան, դիպչեն նրան, նրա հետ լինեն: Բայտավոր էր այն աղջնակը, ում երգ ու լեզենդ դարձած Մոնթեն իր ուսերին նստեցրած քայլում էր գյուղի միջով: Երեխաները երգում էին իր մասին մի շատ հայտնի երգ:

Կարծում եմ՝ հաջորդ օրն էր, երբ նրան հանդիպեցինք Ստեփանակերտի Ազատամարտիկների պուրակում: Ջորջը փորձում էր նրան համոզել սաղավարտ կրել մարտի դաշտում: Վեճն ապարդյուն էր, չնայած ասաց, որ իր զինակիցները կարող են կրել դրանք, եթե ցանկանում են: (Նույնիսկ վստահ չէի՝ սաղավարտ ունեի՞ն նրանք, թե՞ ոչ):

Մեր միջոցներով գրահաբաճկոններ էինք ձեռք բերել, և Մոնթեի զինակիցները դրանք էին գործածում:

Երեք շաբաթ անց Մոնթեն զոհվեց: Մենք ցնցված էինք բոլոր նրանց նման, ովքեր գիտեին նրա ասպետական ու համարձակ պայքարի պատմությունը:

Դժվար է հավատալ, որ 25 տարի է անցել մեր այս եզակի հանդիպումից, 25 տարի նրա մահվանից: Թվում է՝ երեկ էր: Նրա նվիրվածությունն իր ժողովրդին ու հանուն նրանց իր մեծ զոհաբերությունը կապրի հավերժ:

ՔԱՐՈՒԱՆ ՆԱԶԱՐՅԱՆ
Ամերիկահայ բժիշկ

Բ

Մոնթե Մելքոնյանը (Ավո) Արցախյան ազատամարտի պատմությունը և մեր հաղթանակը կերտած բացառիկ հերոսներից էր: Արտակարգ ընդունակություններով օժտված այդ ամերիկացին հայրենիքի դրոնման տեսլականով շրջել էր աշխարհի ավելի քան 40 երկրներում և իր հայ լինելու գիտակցությամբ եղել Թուրքիայում՝ իր պապի տանը, ու զարմացել, թե ինչու են նրա դռները փակ իր առաջ և իր նման՝ աշխարհացիք բոլոր հայերի երբեմնի տների դռները՝ նույնպես: Այդ փակ դռները բացելը նա համարել էր իր կյանքի նպատակը և հասկացել, որ այն իրագործելու համար նախ հարկավոր է լինել հայրենիքի գինվոր: Տարիներով նախապատրաստվել էր նա այդ սրբազան նպատակի իրագործմանը, և երբ հնչեց Արցախի ազատության կանչը, նա հայտնվեց ճիշտ տեղում՝ Արցախի Մարտունու շրջանի պաշտպանության դիրքերում՝ հայ գինվորի և հրամանատարի իր պարտքը կատարելու:

Ռազմական ժամանակների խստակեցությամբ, օրինակելի կարգապահությամբ ու նպատակասլացությամբ, հայ գինվորի հանդեպ սիրով ու պահանջկոտությամբ, գերի թշնամու հանդեպ մարդավարությամբ նա դարձավ լեգենդար հրամանատար, որ անուրանալի դերակատարություն ունեցավ մեր բանակաշինության ու ռազմավարական արվեստի մեջ:

Այս տեսակ իրական հերոսների մասին էր Եր. Օսյանն ասում. «Հույս մը իրեններուն և սարսափ՝ թշնամիներուն համար: Չըլլալիք բաներ կպատմվին իր մասին, որ ոչինչ են իր ըրածներուն քով... Ու եղած են այդպիսի հերոսներ վերջին տարիներու մեր թախձագին պատմության մեջ»:

Նրան տեսնելը անհույս չէր, մանավանդ որ տիկինը՝ Սեդա Գպրանյանը, համալսարանական մեր ուսանողուհին էր, ուրեմն՝ հանդիպումը անհավանական չէր:

... Միակ հանդիպումը տեղի ունեցավ պատահաբար, 1993 թ. հունիսի 8-ին:

Երուսաղեմից արձակուրդ էի եկել: Սիրելի ուսուցիչս՝ ԵՊՀ հայ գրականության ամբիոնի վարիչ Հր. Թամրազյանը, շտապ կանչեց:

- Բարո՛վ ես եկել: Այ տղա, մի շատ պատկառելի մարդ պիտի գա, որ ինձ հանդիպի: Հիմա Երևանում է, երևի կարևոր գործով է եկել: Հակառակի պես նույն ժամին ռեկտորն է ինձ կանչել անհետաձգելի խնդրով: Շատ անհարմար բան կստացվի, եթե այդ հյուրը գա ու իմ դուռը փակ տեսնի: Ուրիշ հարմար մեկին չգտա, քեզ կանչեցի: Այստե՛ղ եղիր, պատշաճորեն ընդունի՛ր, իմ անունից ներողություն խնդրիր, զբաղեցրու մինչև իմ վերադարձը: Ես շատ չեմ ուշանա: Մի՛ վախեցիր, մենակ չես մնալու. Գուրգեն Մելիքյանը ուր որ է քեզ կմիանա:

- Բայց ո՞վ է այդ խորհրդավոր հյուրը, չիմանա՞նք:


- Ռեկտորին սպասեցնել չի կարելի,- անառարկելի ասաց նա,- ժամանակ չունեմ: Հենց տեսնես՝ կճանաչես:

Հր. Թամրազյանի գնալուց մի քանի րոպե հետո դուռը թակեցին: Ներս մտավ այդ օրը կապույտ ջինս

հագած, երկարուկ դեմքով կիսաճաղատ, գինվորականի կեցվածքով հաղթանդամ մեկը՝ իրոք ծանոթ, բայց որտեղի՞ց: Հիշեցի: Տեսել էի Գուրգեն Մելիքյանի մոտ եղած լուսանկարներում: Այո՛, չէի սխալվում, Մոնթե Մելքոնյանն էր: Իր թավ, մի քիչ էլ բեկբեկուն ճայնով, բայց խրոխտ ու

- Ո՛ւր է Հրանտ Թամրազյան,- հրամայաբար հարրեց.

Բացատրելուս պահին իսկապես եկավ Գ.Մելիքյանը, ողջագուրվեցին, հարցուփորձեցին՝ ինչպե՞ս է, որ պատերազմական այս օրերին երկոսով էլ Երևանում են: Մեկը ՀՀ պաշտպանության նախարարություն էր եկել մեզ անհայտ հույժ կարևոր առաքելությամբ, մյուսը, որ ԼՂ պաշտպանության նախարարի տեղակալ էր արտաքին կապերի գծով (մենք դա չգիտեինք), արևելագիտության ֆակուլտետի դեկանի հանգամանքով էր ուստարվա վերջում կարճ ժամանակով հայտնվել համալսարանում: Վերադարձավ Հր. Թամրազյանը, հարգալից ողջունեց, և սկսվեց անմոռաց մի գրույց:



Մոնթեն նախ գիտնական էր, ապա՝ գինվորական

Հարցապնդողը Թամրազյանն էր

- Սիրելի՛ Մոնթե, Սեդան ասպիրանտուրայի հարցով էր եկել, ես, քո սխարանքների մասին ուրիշներից լսած լինելով, նրան խնդրեցի, որ երբ Երևան գալու լինես, հանդիպես ինձ: Լրջագույն պատերազմ է: Չգիտեմ՝ ռազմաճակատում ի՞նչ է կատարվում. Ուզում եմ քեզնից՝ անմիջական աղբյուրից իմանալ: Ծնորհակալ եմ, որ ժամանակ գտար ինձ տրամադրելու: Բա ինչպե՞ս ես եկել, հիմա ո՞վ է այնտեղ քեզ փոխարինում:

- Մեր արդար գործի մեջ ինձ փոխարինողներ կան, թող սովորեն առանց ինձ էլ կռվել: Նախարարի հետ առանձնագրույց ունեի, եկա ու մեկնում եմ: Ուսուցչապետին, գիտության մարդուն մերժել չէի կարող: Սեդան շատ է պատմած Ձեր մասին, ես այ ձեզի տեսնելու փափագ ունեի: Այստեղեն ուղիղ ռազմաճակատ պիտ մեկնիմ: Իմ տեղս հոն է, ինչպես մեր նախնիներն են ասել՝ «թաղեցեալ լինիմք եւ ո՛չ խոնարհիմք»:

- Մոնթե՛ն, թուրքերի մտադրությունը բոլորչին հայտնի է, նրանք ուզում են Ղարաբաղի բռնազավթում և

հայաթափում: Այս պահին ի՞նչ են անում նրանք, և դու ի՞նչ հակաքայլ ես մտադիր անել:

-Պարզ ըսեմ ձեզի: Թուրքերի նպատակը ճիշտ նկատեր եք: Այսօր թուրքը իր մատները տարբեր տեղերից մխրճեր է Ղարաբաղի մարմնի մեջ և կուզե ուտել անոր: Իմ նպատակը այդ մատները կտրատելն է, որ Ղարաբաղը կարենանք փրկել: Ատի նաև Հայաստանի փրկությունն է:

Պատերազմ է հիմա, դաժան, զոհեր պահանջող անողորք պատերազմ: Մենք մեր բոլոր ուժեր պիտ ներդնենք, կազմակերպված կռվինք այս պատերազմում հաղթելու և խաղաղություն հաստատելու համար: Շատ հողեր, թանկեր, գենքեր գրավեր ենք, սակայն թշնամու ձեռք դեռ շատ հայկական հողեր կան: Անոնք ալ պիտ գրավենք: Կրցած եմ հաղթելու հավատ ներշնչել մեր զինվորներուն: Կարող ենք հաղթել, եթե ապուշություններ չընենք: Միայն մեր հաղթանակով կհաստատվի խաղաղությունը:



Մեր օրերում այսպես է տարածվում Մոնթեի լեզենդը

- Մոնթե՛, գիտենք, որ թուրքերը թեն վախկոտ են, բայց շատ են հոխորտում, թե Ղարաբաղն էլ են գրավելու, Չանգեզուրն էլ... Նրանց մեջ էնպես լավ կռվող, քաջ տղերք կա՞ն, թե՛ միայն հոխորտում են:

- Կա՛ն, ի՛նչպես չկան, անանկ լավ կռվող թուրք տղաք կան, որ ափսո՛ւղ կուզա զարնես շանաստակ ընես:

Հերոսավայել, ապշեցուցիչ պատասխան էր սա, որ մի պահ լռության մատնեց բոլորիս: Հետո Գուրգեն Մելիքյանը հանդգնեց հարցնել.

- Մոնթե՛, ում ասում եմ՝ չեն հավատում, ասում են՝ հորինել եք: Խնդրում եմ ինքդ պատմիր պրոֆեսորին, թե ինչպես յոթ մարտիկներով կասեցրիր թուրքերի հսկայական բանակի հարձակումը Ստեփանակերտի վրա:

- Մեր հետախուզություն լավ չէր աշխատած, ատանկ հարձակումի մը չէինք սպասեր: Պատահաբար էինք մտած մտած այդ տարածք, և հոն բախտս բերեց՝ գիշեր էր. թշնամին չէր գիտեր մեր քանակի մասին: Ծիշտ հաշվարկ ըրի և զինվորներու ճիշտ տեղաբաշխում, որոնք ալ էինք կրակեցին միայն իմ հրամանովս: Կարծելով շատ շատ ենք՝ հարձակվող թշնամին խուճապի մատնվեցավ և վախնալով շրջապատման մեջ ընկնել՝ նահանջեց: Ատ

ոչինչ, Գո՛ւրգեն, բերածդ ռազմաներ շատ կօզնեն մեզի թե՛ նախապատրաստություններու, թե՛ մարտական գործողություններու ատեն, անոնց շնորհիվ է, որ մեր գորախումբերու միջև կապ կըլլա, մեր առավելությունն է աստիկա, բայց դուն գիտե՛ս, որ մենք հեռադիտակներու պակասություն ունինք, սովորական հեռադիտակներու:



Մոնթեի հիշատակի օրը «Եռաբլուր» պանթեոնում

- Շատ լավ: Հեռադիտակներ ուզածիդ չափ կլինեն: Վաղը մեկնելիս հետդ կտանես կամ ես ինքս կբերեմ կհասցնեմ:


Մեր կարճատև հանդիպումն ավարտվեց: Հաջողության մաղթանքով հրաժեշտ տվինք իրար: Վերջին հրաժեշտը: Ուրիշ բան ո՞վ կմտածեր:

Քառորդ դար է անցել մեր հանդիպման այդ օրից:

Մոնթեն զոհվեց հերթական մարտական գործողության հաղթական ավարտից հետո՝ հունիսի 12-ին՝ մեր միակ հանդիպումից ընդամենը 4 օր հետո: Պատերազմող ժողովուրդը սգաց հերոսի մահը, զգաց նրա անվտխարինելի լինելը: Մարտական ընկերները երդվեցին կռվել նաև նրա փոխարեն ու նրա ոգով: Բայց հաղթանակի բերկրանքը չսպրեց Հայաստանի և Արցախի Ազգային հերոսը, նա մահին հաղթեց իր սխարաններով ու անմահացավ սերունդների հիշողության մեջ, դարձավ երգ ու լեզենդ, նրա անունով դպրոցներ ու փողոցներ կոչվեցին, անվանակոչվում են շատ նորածիններ: Նա մարմնավորվեց գրական շատ երկերում, հուշագրություններում ու կինոֆիլմերում, դարձավ հայրենիքի նվիրյալ հերոսի կատարելատիպ: Նա հասունացել էր այդպես հավերժանալու համար:

Հմուտ գորավարը, աննկուն, խանդավառ մարտիկն ու հրամանատարը սերունդներին թողել է մի կարգախոս - պատգամ, որը փորագրված է Բերձորի «Մոնթե Մելքոնյան» պուրակի բազալտե հուշաքարին. «Եթե կորցնենք Արցախը, կըրջենք հայոց պատմության վերջին էջը»: Այդ պատմությունը, հայոց պատմությունը, բարեբախտաբար, նոր սերունդները համարում են հերոսական նոր էջերով, որոնց մեջ, սակայն, վերջին էջ չկա և չի լինելու:

ՄԱՄՎԵԼ ՄՈՒՐԱԴՅԱՆ



Ֆլորա Սարյանի՝ խորհրդանշական խորագիր կրող, 367 էջանոց այս վեպը լույս է տեսել Լոս Անջելեսում և, ցավոք, չունի մատենագիտական այլ տվյալներ՝ խմբագրի՝ ճանաչված արձակագիր Խորեն Արամունու, սրբագրիչի և տպարանի անուններից բացի:

Սակայն ունի խմբագրի՝ մեկ էջանոց համառոտ ու խիտ, բնութագրական առաջաբանը, որը փաստորեն առաջին գնահատողական խոսքն է հույժ արդիական բովանդակությամբ այս վեպի մասին, որից, ցավոք, միայն հատուկենտ օրինակներ են հասել Հայաստան:

Յեղիանակը՝ ազնիվ ու համեստափայլ Ֆլորա Սարյանը, իր գրական ձիրքերը, գեղարվեստական հակումները թեև երբևէ չի թաքցրել, սակայն գրական հարցերում առանձնապես ակտիվ չի եղել. մենք նրան առավելապես ճանաչում ենք իր եռանդուն հայրենանվեր գործունեությամբ, հատկապես մեր հիմնադրամի միջոցառումներում իր շիտակ ու հայաստանամետ, շնորհակալության արժանի կեցվածքով:

Բայց մեր խնդիրն այս պահին նրա վեպի՝ արժուրդուն է, որը, որպես գրական փաստ, վերջերս է հայտնվել ընթերցողի սեղանին: Սակայն պետք է խոստովանենք, որ մեր թերթում տեղի սղության պատճառով հնարավոր չէ կատարել գրականագիտական հանգամանալից քննություն և այս վեպին տալ պատշաճ մասնագիտական ծավալուն գնահատական, որի անհրաժեշտությունն իրոք կա:

Արդ, ինչ է պատկերում Ֆ. Սարյանի «Երբ աստղերն են վայր ընկնում» վեպը և ինչպե՞ս, իրապատում – վավերական լինելով, գեղարվեստական ինչ արժանիքներ ունի այն: Այս հարցադրումների պատասխանը ընթերցողն ինքը պիտի գտնի, քանի որ սահմանափակ տարածքում ու սուղ միջոցներով հնարավոր չէ ամբողջական պատկերացում տալ մի ամբողջ նախորդ դարի վերջին տասնամյակներում Արցախի ազատագրության համար մղված պատերազմական գործողությունների, դրանց նկատմամբ հայ երի-

տասարդության վերաբերմունքի, հայրենիքի արժուրդուն նրա բացառիկ գիտակցության ու թշնամու պղծումներից երկիրը փրկելու համար զոհաբերության պատրաստակամությամբ անօրինակ սխրանքներ գործած սերնդի մասին:

Ֆ. Սարյանը, երբևէ Արցախում չլիելով, գրողի իր պարտականությանը՝ ճակատագրական դեպքերը հոգեբանական խորք ունեցող կերպարների շնորհիվ համոզորեն գեղարվեստականացնելու գործընթացին մոտեցել է գերագույն պատասխանատվությամբ:

Պատերազմ, ռազմական գործողություններ, ռումբերի պայթյուն, թնդանոթների որոտ, հրացանների ձարձատյուն, քայքայվող դիակներ, մահամերձների հռնդյուններ, գնդակների տեղատարափի տակ շարժական հիվանդանոցներում իրարահաջորդ վիրահատություններ նկարագրելը, այն էլ օրագրի տեսքով, օրն ու ժամը նշելով՝ թերևս մեծ դժվարություն չէ: Սակայն Անայիսի, Վահեի, Ավոյի, Նարեկի, Կարենի և մյուս երիտասարդ մտավորականների մարդկային բնավորությունն ու մանավանդ կնոջ հոգեբանությունը, հաղթանակի բերկրանքը վիպական հարուստ գործողությունների մեջ ցուցադրելով կերպավորելը, լիարյուն գրական կերպարներ ստեղծելը իրոք բարձր արվեստի ցուցանիշ են:

Ադրբեջանը հնարավոր ամեն ինչ անում էր, որ դրսից Արցախ մուտք չգործեին Հայաստանից և սփյուռքից եկած կամավորները, Արցախի հերոսական պաշտպանների ձեռքը չընկնեին ոչ մի գեներ ու զինամթերք: Բայց վեպի հերոսները հնարամտությամբ գտնում են Արցախ թափանցելու և անհրաժեշտ պարագաներն այնտեղ տանելու կերպը:

Պատահական չեն Պ. Սևակի երկերից վեպի հերոսների շուրթերով հնչող մեջբերումները: Դրանց շնորհիվ են նաև այն հաճելի ձգողականությունն ու լարվածությունը, որ վիպական պատումը դարձնում են ժշմարիտ ու գեղարվեստորեն հավաստի:

Շնորհավորում ենք Ֆլորա Սարգսյանի «Երբ աստղերն են վայր ընկնում» վեպի լույսաշխարհ գալը՝ հեղինակին մաղթելով նորանոր ձեռքբերումներ, իսկ ընթերցողին՝ գեղագիտական վայելքի պահեր:

ԽՍԲ.

ՍՏԱՅՎԱԾ ՕԳՆՈՒԹՅՈՒՆՆԵՐ

01.01. 2018 – 06.05. 2018

Հ/հ	Ամսաթիվ	Ազգանուն, անուն	Նպատակը	ՀՀ դրամ
1	08/01/2018	GURGEN MELIKYAN MULTICHILDREN FAMILY FOUNDATION OF KASHATAGH 501 W GLENOAKS BLVD, .104 GLENDALE CA 91202-2896	RFB/220424530//DONATION FOR STUDENT TUITION POP OTHER/DONATION	2420500

			\$ 5000	
2	12/01/2018	RAFIK BOROIAN	KASHATAGHI BAZMAZAVAK PROJECT RAFIK 60, \$980	474 623
3	15/01/2018	ԱԼՖԱ ՖՈՒՂ ՍԵՐՎԻՍ ՍՊԸ	Օգնություն	350 000
4	19/01/2018	Բ.Գ.ԱՆՈՆԻՄ	Օգնություն	5 000
5	19/01/2018	ՄԵԼԻՔՅԱՆ ԳՈՐԳԵՆ	Օգն. ծառ. ծրագիր ընկերոջս՝ սիրելի Աշոտ Եղիազարյանի հիշատակին 20.01.2018 թ	20 000
6	23/01/2018	GURGEN MELIKYAN MULTICCHILDREN FAMLY FOUNDATION OF KASHATAGH 501 W GLENOAKS BLVD, .104GLENDAL CA 91202-2896	/RFB/TO180129B0904100//GURGEN MELIKIAN KHASHATAGH MULTI CHILDREN FAMILY FOUNDATION CHARITY. 5 000 USD	2 408 200
7	30/01/2018	MR SERGE ARZOUMANIAN 134 BERWICK CRES RICHMOND HILL, ON, CA	/RFB/TO180129B0904100//GURGEN MELIKIAN KHASHATAGH MULTI CHILDREN FAMILY FOUNDATION CHARITY, 1440 USD	692 136
8	30/01/2018	ՖՈՔՐՍ ՕՆ ԶԻԼԴՐԵՆ ՆԱՈՒ, ԻՆԿ ԲԿ ՀԱՅԱՍՏԱՆՅԱՆ ՄԱՍՆԱԸ.	Շուշիի մանկապարտեզի գույք	720 000
9	02/02/2018	Նազարեթ Աքյուզ	Օգնություն – 50 EUR	30 300
10	02/02/2018	Լևոն Մարաշյան	Օգնություն ԽԵՆԱ ծրագիր՝ - 600USD	290 100
11	14/02/2018	GURGEN MELIKYAN MULTICCHILDREN FAMLY FOUNDATION OF KASHATAGH501 W GLENOAKS BLVD, .104GLENDAL CA 91202-2896	/RFB/223711326//ARPEN CENTER CHILD RENS POP OTHER /DONATION, 5 000 USD	2411900
12	14/02/2018	Մարաշյան Լևոն	Օգնություն ծառերի ծրագիր	50 000
13	16/02/2018	GURGEN MELIKYAN MULTICCHILDREN FAMLY FOUNDATION OF KASHATAGH501 W GLENOAKS BLVD, .104GLENDAL CA 91202-2896	/RFB/223899842//STUDENT TUITION PROG- RAM POP OTHER /DONATION, 5 000 USD	2 406 500
14	16/02/2018	Հովհաննիսյան Վոլոդյա	Օգնություն	122 500
15	22/02/2018	Toni Kahve	Օգնություն - 1000 USD	482 500
16	01/03/2018	RAFIK BOROIAN HUGES VAG 17 75440 UPPSALA	ROUBIK, FROM ISKHANADZOR THANK YOU G. MELIKYAN FOUNDATION, 980 USD	471 193
17	07/09/2018	GURGEN MELIKYAN MULTICCHILDREN FAMLY FOUNDATION OF KASHATAGH501 W GLENOAKS BLVD, .104GLENDAL CA 91202-2896	/RFB/225579178//DONATION FOR TREE PR- OJECT POP OTHER/DONATION, 5 000 USD	2 403 200
18	28/09/2018	GURGEN MELIKYAN MULTICCHILDREN FAMLY FOUNDATION OF KASHATAGH501 W GLENOAKS BLVD, .104GLENDAL CA 91202-2897	/RFB/227241166//DONATION TO COW PRO- GRAM POP OTHER /DONATION. 5 000 USD	2 401 350
19	29/03/2018	ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ	ՀՈՒՇԱՔԱՐԻ ՏԵՂՎՈՐՄ ՖԻՆ ԱՋԱԿՑՈՒԹ	400 000
20	23/04/2018	1/COWANSVILLE HOLDINGS LIMITED1/ROAD TOWN, TORTOLA6/CH/UBS/0206-00161878	/RFB/ZD81113T19881811//CHARITY, 19980 USD	9593996
21	02/05/2018	GURGEN MELIKYAN MULTICCHILDREN FAMLY FOUNDATION OF KASHATAGH501 W GLENOAKS BLVD, .104GLENDAL CA 91202-2896	/RFB/229949508//DONATION COW PROJECT MULTICHILDR POP OTHER/DONATION> 5 000 USD	2 416 600
22	07/05/2018	Kyureghyan Varuj & Emma	Օգնություն- 2000 USD	977 000
23	07/05/2018	Ava Yousef Zamani	Օգնություն - 700 USD	341 950
24	07/05/2018	Մարաշյան Լևոն	Օգնություն - 500 USD	244 250
25	07/05/2018	Գալստյան Սարգիս	Օգնություն	80 000
26	07/05/2018	Հենրիկ Շահնազարյան	Օգնություն	100 000
27	10/05/2018	Իսախանյան Արթուր	Չվերադարձրած հորթի գումար	50 000
28	17/05/2018	GURGEN MELIKYAN MULTICCHILDREN FAMLY FOUNDATION OF KASHATAGH 501 W GLENOAKS BLVD, .104GLENDAL CA 91202-2896	/RFB/231595410//DONATION TREE PRO- JECT WATER PROJECTPOP OTHER/DONA- TION TREE WATER PROJECT, 5 000 USD	2 419 150
29	22/05/2018	Մարաշյան Գևորգ	Օգնություն - 200 USD	96 300
30	25/05/2018	Մելիքյան Գուրգեն	Օգնություն ծառերի ծրագիր՝ սիրելի Սոնա Մովսիսյանի հիշատակին՝ ի փոխան	20 000

			ծաղկեպսակի /19.05.2018թ./	
31	25/05/2018	Մելիքյան Գուրգեն	Օգնություն ծառերի ծրագիր՝ մեր սիրելի Գոհար Ղուկասյանի հիշատակին՝ ի փոխան ծաղկեպսակի /11.06.2018թ./	20 000
32	25/05/2018	Մելիքյան Գուրգեն	Օգնություն ծառերի ծրագիր՝ Խաչատրյան-նների մայրիկի հիշատակին՝ ի փոխան ծաղկեպսակի /20.05.2018/	20 000
33	25/05/2018	Մելիքյան Գուրգեն	Օգնություն ծառերի ծրագիր՝ սիրելի Ջորջ Թումանյանի հիշատակին՝ ի փոխան ծաղկեպսակի /11.11.2013թ./	20 000
34	25/05/2018	Մելիքյան Գուրգեն	Օգնություն ծառերի ծրագիր՝ սիրելի Յաշա Թումանյանի հիշատակին՝ ի փոխան ծաղկեպսակի /հոկտեմբեր 2007թ./	20 000
35	25/05/2018	Vardanian Souren	Օգնություն – 1 000 USD	485 000
36	04/06/2018	«Ա.Ս.Պ. ԴԵԼ ՄԱՐ» ՍՊԸ	Բարեգործություն	120 000

Ընդամենը՝ 35 584 248

ԽԵԱ «ԿՈՎ» ԾՐԱԳԻՐ

Սկիզբը՝ նախորդ համարներում:

Հ/հ	Ազգանուն, անուն	Բնակավայր	Երեխ, (բացառ.)	Կով	Ականջի N	Բարերարները
371	Միրումյան Աննա Հարությունյան Լյովա	Աղավտ	6	II	5784	Աբուլյան Կարինե Մարգարյան Սարո
372	Բաղիշյան Օնիկ Բաղդասարյան Լորա	Մարտունի	3 (բացառ.)	I	5791	Արա-Տեր Հարությունյան (Կանադա)
373	Ստեփանյան Վարդան Ստեփանյան Արմինե	Իշխանաձոր	6	I	5754	Հայթայան Լևոն - Շանթ
374	Համբարյան Մարիամ Կլրոցյան Էդգար	Գողթանիկ	6	II	5711	VICTOR GREGORI MEDEA and ALEX KALOGNOMOS
375	Բաբայան Ռսկի Բաբայան Սեյրան	Հոչանց	6	II	57378	Քիրեշյան Լևոն
376	Ագախանովա Մարիամ (այրի)	Միջևաձևան	7	III	5783	Մարտիրոսյան Թիմի և Սեդիկ
377	Ամիրխանյան Վեներա Հայրապետյան Վալերիկ	Գողթանիկ	8	III	5758	Թումանյան Ներսես և Նունե
378	Վասիլյան Ազնիկ Վասիլյան Սամվել	Մուշ	6	II	0090	Սիմոնյան Հրանտ, Արմեն և Բաֆֆի
379	Հովհաննիսյան Հերմինե Թադևոսյան Հարություն	Գանձա	7	II	5712	Չաքյաններ Ռաֆիկ և Աստղիկ (Սթար)
380	Գրիգորյան Թեյիկ Օսեյան Խալտուր	Գանձա	6	II	5710	Նիք և Մերի Զանյաններ (ԱՄՆ)
381	Խաչատրյան Լիլիթ (այրի)	գ. Ղազարապատ	6	II	5768	Գաբրիել Վանեցյան (Շվեյցարիա)
382	Աղաջանյան Սեյրան Ստեփանյան Արտուշ	գ. Ղազարապատ	6	II	5717	Գևորգ Վանեցյան (Շվեյցարիա)
383	Օսեյան Խալտուր Գրիգորյան Թեյիկ	Գանձա	7	III	5923	Աննա Վանեցյան (Շվեյցարիա)
384	Համբարյան Մարիամ Մկրտչյան Էդգար	գ. Շիրակ	6	II	5711	Մարիամ Վանեցյան (Շվեյցարիա)

385	Մարգարյան Անի Եղիազարյան Արմեն	գ. Գողթանիկ	5	I	5721	Աշոտ Վանեցյան (Շվեյցարիա)
386	Աբրահամյան Լուսինե Աբրահամյան Արամ	գ. Գողթանիկ	8	III	5799	Ստեփան Վանեցյան (Շվեյցարիա)
387	Հովհաննիսյան Հերմին. Թադևոսյան Հարություն	գ. Գանձա	7	II	5712	Գրիգոր Վանեցյան (Շվեյցարիա)
388	Մուրադյան Սարգիս Անտոնյան Կարինե	ք. Բերձոր	5	II	5746	Վահիկ և Ավարդ Բանդարի
389	Ալոյան Վարդուհի	Արտաշավի	5	I	5720	Ava Yousef Zamani
390	Դալլաքյան Չոյա Մակինյան Նվեր	Գ. Զարեգահ	6	II	5705	Լևոն Մարաշյան (ԱՄՆ)
391	Սարգսյան Մարինե Ասատրյան Սուրեն	գ. Վարդուտ	3 /բացառ./	I	5751	Ալենուշ և Ալեք Բաղդասարյաններ (ԱՄՆ)
392	Խոսրովյան Հեղնար Մկրտչյան Բագրատ	գ. Վարդուտ	5	I		Կարինե Աբուլյան Սարո Մարգարյան (ԱՄՆ)
393	Մինասյան Անահիտ (միանակ)	գ.. Դրախտաձոր	3 /բացառ./		5137	Էմմա և Վարուժ Կյուրեղյաններ (ԱՄՆ)

Շարունակելի

ՇՆՈՐՀԱԿԱԿՐԵՐ, ԴԻՄՈՒՄՆԵՐ

Հիմնադրամի հոգաբարձության խորհուրդը պարբերաբար հիգիենիկ բնույթի օգնություն տրամադրել ինչպես Արցախի Հանրապետության հիվանդանոցներին, դպրոցներին ու մանկապարտեզներին, այնպես էլ ՊԲ զորամասերին: N զորամասի զինվորների ու հրամկազմի սակիտարահիգիենիկ պայմանները բարելավելու նպատակով տրամադրվել է երեք նոր ու արդիական ինքնակառավարվող լվացքի մեքենա:

Չորամասի հրամանատարությունից ստացվել է հետևյալ շնորհակալագիրը.

ՇՆՈՐՀԱԿԱԿՐԻ

ԱՐՑԱԽԻ ՀԱՆՐԱՊԵՏՈՒԹՅԱՆ
ՊԲ N ՉՈՐԱՄԱՍ

Հարգելի պրն Գ. Մելիքյան,

ՊԲ N զորամասի հրամանատարությունը իր խորին շնորհակալությունն է հայտնում Ձեզ և Ձեր անվամբ գործող՝ «Զաշաթաղի բազմազավակ ընտանիքների հիմնադրամի» հոգաբարձության խորհրդի ողջ կազմին՝ բարերարության չափանիշներին ու սկզբունքներին նոր որակ հաղորդելու և արցախահայրության պաշտպանության երաշխիք բանակի զորամասերի զինվորների ու հրամկազմի սակիտարահիգիենիկ պայմանները բարելավելու համար:

Ձեր կատարած սրբագույն գործերն ապացուցում են, որ բարեգործ լինելը կենսակերպ է, որի մեջ

ներդաշնակված են բարոյական բոլոր կարևոր արժեքները: Դրանք մեծ խթան են ու երաշխիք են մեզ վստահված հայրենիքի պաշտպանության սրբազան գործը պատվով կատարելու համար:

ՊԲ N ՉՈՐԱՄԱՍԻ ՀՐԱՄԱՆԱՏԱՐ
(կնիք, ստորագրություն)

Գնդապետ Կ. ԶԱԼԱՎՅԱՆ

«ԵՉՆԻԿ ՄՈՉՅԱՆ ԱՐՅԵՍՏԱԳՈՐԾԱԿԱՆ
ՈՒՍՈՒՄՆԱՐԱՆ» ՀԻՄՆԱԴՐԱՍ
№ 001 – Ս 01.06.2018
ՍՏԱՑԱԿԱՆ

Սույն ստացականով հավաստում եմ, որ «Գուրգեն Մելիքյանի՝ Զաշաթաղի բազմազավակ ընտանիքների հիմնադրամից» «Ավան» ՓԲԸ տնօրեն Ս. Գալստյանի միջոցով, որպես նվիրատվություն, ստացացել եմ 161 /հարյուր վաթսուևմեկ/ զույգ սպորտային կոշիկ, որի համար «ԵՄԱՈՒ» հիմնադրամի անունից խորին շնորհակալություն եմ հայտնում:

«ԵՄԱՈՒ» գործադիր տնօրեն՝
(ստորագրություն, կնիք) Վ. ԿԱՐԱՊԵՏՅԱՆ

ՍՏԱՑԱԿԱՆ

«Շուշի ՇԲՍ» ՓԲԸ տնօրինությունը «Գուրգեն Մելիքյանի՝ Զաշաթաղի բազմազավակ ընտանիքների հիմնադրամից» ստացել է 66 (վաթսուևեց) զույգ «Թումզ» ֆիրմայի արտադրած նոր կոշիկ, որի համար հիմնադրամի հոգա-

բարձրության խորհրդին հայտնում ենք մեր խորին շնորհակալությունը:

«Շուշիի ՇԲՄ» ՓԲԸ գործարհի ՏՆՕՐԵՆ՝
(ստորագրություն, կնիք) Վ. Ա. ԽԱՉԱՏՐՅԱՆ

* * *

Հաստատում եմ «Շուշիի Խ. Արմյանի անվան
դպրոց» ՊՈԱԿ-ի տնօրեն՝ (ստորագրություն, կնիք)

Լ. ՀԱՐՈՒԹՅՈՒՆՅԱՆ

ՍՏԱՑԱԿԱՆ

Ես՝ Ինեսա Էդուարդի Պետրոսյանս, «Գուրգեն Մելիքյանի՝ Քաշաթաղի բազմազավակ ընտանիքների հիմնադրամից» Սարգիս Գալստյանի միջոցով ստացել եմ 675 (վեց հարյուր յոթանասունհինգ) գույք կոշիկ աշակերտներին և ուսուցիչներին անվճար բաժանելու նպատակով:

Ստորագրություն՝ Ի. ՊԵՏՐՈՍՅԱՆ

ԼՂՀ «Անհայտ կորած ազատամարտիկների հարազատ ներ» հասարակական կազմակերպություն
Մայիս, 2018

ՍՏԱՑԱԿԱՆ

Ես՝ ԼՂՀ ԱԿԱՀ ՀԿ նախագահ Վերա Արմոյի Գրիգորյանս, «Գուրգեն Մելիքյանի՝ Քաշաթաղի բազմազավակ ընտանիքների հիմնադրամից» ստացա 22 (քսաներկու) արկղ օգտագործված հագուստ և 20 (քսան) արկղ նոր կոշիկ՝ 600 (վեց հարյուր) գույք:

ՍՏԱՑԱ՝ ստորագրություն, կնիք

ՍՏԱՑԱԿԱՆ

ԼՂՀ Չոհված ազատամարտիկների հարազատների միության նախագահ Ա. Առաստամյանս, տալիս եմ սույն ստացականը առ այն, որ 2018 թ. մայիսի 24-ին «Գուրգեն Մելիքյանի՝ Քաշաթաղի բազմազավակ ընտանիքների հիմնադրամից» ստացա 15 (տասնհինգ) արկղ օգտագործված հագուստ և 750 (յոթ հարյուր հիսուն) գույք նոր կոշիկ:

Ստացականը գրված է իմ ձեռքով, ճիշտ է, որի համար ստորագրում եմ՝

(ստորագրություն) Ա. ԱՌԱՍԱՄՅԱՆ

24. 05. 2018

ՇՆՈՐՀԱԿԱԿԱԿԻՐ

«Գ. Մելիքյանի՝ Քաշաթաղի բազմազավակ ընտանիքների հիմնադրամից» պրն Սարգիս Գալստյանի միջոցով Շուշիի կենտրոնական գրադարանի համար, ստացանք հետևյալ գրքերը.

- 1.Վ. Մնացականյան, Ոգու ամբոց, 1 օր.
- 2.Վ. Մնացականյան, Աննվան Հայաստան, 1 օր.
- 3.Կ. Անանյան, Անհայտ էջեր հերոսի մասին, 2 օր
- 4.Վ. Մնացականյան, Նժդեհապատում, 1 օր.
5. Անրեղազիտական հարցեր, 1 օր.
- 6.Ս. Չախալյան, Մոնթեն նայում է Արարատին,

2 օրինակ

Ընդամենը՝ 8 (ութ) օրինակ:

ՍՏԱՑԱՎ՝ (ստորագրություն, կնիք)

Ժ ԳԱԲՐԻԵԼՅԱՆ

Շուշիի կենտրոնական գրադարանի տնօրեն
ՀԱՆԶՆԵՑ՝ (ստորագրություն) Ս.ԳԱԼՍՏՅԱՆ

* * *

«Գուրգեն Մելիքյանի՝ Քաշաթաղի բազմազավակ ընտանիքների հիմնադրամի» գործադիր տնօրեն պրն Գ. Մելիքյանին

ԱՀ Քաշաթաղի շրջանի «Իշխանաձորի Հովհ. Թումանյանի անվան միջնակարգ դպրոց» ՊՈԱԿ-ի տնօրեն Ն. Եղիկյանից

ԴԻՄՈՒՄ

Իշխանաձորի Հովհ. Թումանյանի անվան միջնակարգ դպրոցում սովորում է 105 երեխա:

Խնդրում ենք աշակերտներին տրամադրել 105 հարյուր հինգ գույք կոշիկ:

Կից ներկայացվում են կոշիկների համարները:

ԴԻՄՈՂ՝ (ստորագրություն) Ն. ԵՂԻԿՅԱՆ

Կոշիկները հատկացվել են:

* * *

ՀԱՅ ՕԳՆՈՒԹՅԱՆ ՄԻՈՒԹՅԱՆ ԱՐՑԱԽԻ ՄԻԱՎՈՐ
Շուշիի «Սոսե» մանկապարտեզ

ՍՏԱՑԱԿԱՆ

Ես՝ Շուշիի «Սոսե» մանկապարտեզի տնօրեն Ա. Պ. Մինասյանս, Շուշիի «Ավան պլազա» հյուրանոցի տնօրեն Ս. Գալստյանից ստացել եմ 51 (հիսունմեկ) գույք կոշիկ:

Ստացող՝ տնօրեն (ստորագրություն)

19.12.2017

Ա. Պ. ՄԻՆԱՍՅԱՆ

ՇՆՈՐՀԱԿԱԿԱԿԻՐ

Ես՝ սիրիահայ ուսանող Շեյխուկ Շանթոս, սովորում եմ ԵՊՀ ինֆորմատիկայի և կիրառական մաթեմատիկայի ֆակուլտետի 3-րդ կուրսում: Հայաստանում գտնվելուս առաջին իսկ օրերից շրջապատված եմ եղել հոգատարությամբ: Մարդիկ թեև ժամանակավոր ներդրություններ հաղթահարելու, երկիր վերականգնելու դժվարությունների մեջ են, բայց երբեք զգալի չեն դարձրել հայրենիքում օտարերկրացի լինելս: Մանավանդ «Գուրգեն Մելիքյանի՝ Քաշաթաղի բազմազավակ ընտանիքների հիմնադրամի» հոգաբարձության խորհուրդը՝ գործադիր տնօրեն պրոֆ. Գ. Մելիքյանի գլխավորությամբ, ամեն տարի ինձ մեծապես օգնել է ուսման վարձը մուծելիս: Երախտագիտությամբ արձանագրում եմ այս ազնիվ արարքը և հայտնում խորին շնորհակալությունս:

Ստորագրություն՝ ՇՈՅԻՍՈՒԿ ՇԱՆԹՈՍ

30.08.

2018

Հ Ա Յ Տ Ա Ր Ա Ր Ո Ւ Թ Յ Ո Ւ Ն Ն Ե Ր

ԱՆՎԱՆԱԿԱՆ ԿՐԹԱԹՅԱԿՆԵՐ

Ա. Գիտակցելով բարձրակարգ մասնագետներ պատրաստելու և մեր իրականության տարբեր ոլորտներին արժանավոր ուսանողներին խրախուսելու հույժ կարևորությունը՝ «Գուրգեն Մելիքյանի՝ Քաշաթաղի բազմազավակ ընտանիքների հիմնադրամի» հոգաբարձության խորհուրդը կրկին հայտարարում է մեծ մարդասեր, մեր ժողովրդի պանծալի զավակ, Լոս Անջելեսի հայ գաղութի համայնքային կյանքի կազմապակերպիչներից մեկի՝ «Անահիտ» հիմնադրամի բազմամյա նախագահ, լուսահոգի

Ն Ա Ձ Ե Լ Ի Չ Ա Ր Չ Յ Ա Ն Ի

անվան կրթաթոշակ՝ բարձր առաջադիմություն և օրինակելի վարք ցուցաբերած առաջավոր ուսանողների համար:

Մրցույթին կարող են մասնակցել Երևանի պետական համալսարանի դեղագիտության և քիմիայի ֆակուլտետի այն ուսանող - ուսանողուհիները, ովքեր ունեն ուսման բարձր առաջադիմություն և օրինակելի վարք:

Մրցույթին մասնակցել ցանկացողները հիմնադրամի հոգաբարձության խորհրդին անհրաժեշտ փաստաթղթերի հետ միասին դիմում կարող են ներկայացնում նրա գործադիր տնօրեն պրոֆեսոր Գուրգեն Մելիքյանի անունով:

Դիմումները փաստաթղթերի հետ միասին մինչև սեպտեմբերի 20-ը ներկայացնել ԵՊՀ արևելագիտության ֆակուլտետի դեկանատ կամ հիմնադրամի գործադիր տնօրեն Գուրգեն Մելիքյանին:

Բ. Հոգաբարձության խորհուրդը կրկին մրցույթ է հայտարարում նաև ականավոր գրող, թարգմանիչ և հանրային գործիչ, իր իսկ բնութագրմամբ՝ «չխոնարհվող եղեգ», երջանկահիշատակ

Ս Տ Ե Փ Ա Ն Ա Լ Ա Ջ Ա Ջ Յ Ա Ն Ի

անվան կրթաթոշակի համար: Մրցույթին կարող են մասնակցել Երևանի պետական համալսարանի հայ բանասիրության ֆակուլտետի ուսանողները:

Ելնելով ստեղծված սոցիալ-տնտեսական ծանր վիճակից՝ Հիմնադրամիս հոգաբարձության խորհուրդը որոշում է՝

միանվագ նյութական օգնություն տրամադրել հայրենական գիտության զարգացման բնագավառում առանձնակի խոշոր ավանդ ներդրած մտավորականների ընտանիքներին, որոնք ունեն դրա կարիքը:

Շարունակվում է խոշոր եղջերավոր անասունների տրամադրման «Կուլ» ծրագիրը:

Հոգաբարձության խորհրդի որոշմամբ՝ կուլեր տրվում են Արցախի Հանրապետության Քաշաթաղի շրջանում բնակվող բազմազավակ ընտանիքներին՝ ըստ երեխաների քանակի, ընդ որում՝

- 4 երեխա ունեցող ընտանիքներին տրվում է մեկ կուլ
- 6 երեխա ունեցող ընտանիքներին տրվում է II կուլը
- 7 և ավելի երեխա ունեցողներին տրվում է III կուլը:

ԳՐԱԿԱՆ ԱՆԿՅՈՒՆ

Հովհաննես Ծիրազը թողել է հազարավոր ձեռագիր բանաստեղծություններ, որոնք հրատարակվելու են «Անտիպ էջեր» խորագրով գրքերով: Դրանք հեղինակի տպագրված երկերի երկվորյակներն են, դարի արատավոր երևույթների հանդեպ նրա ըմբռնության, ազնիվ պոթելու մի հզոր արտահայտությունները, որոնք հասկանալի պատմաբաններով չեն տպագրվել ժամանակահատվածում:

Տպագրվող Ա հատորից մի քանի բանաստեղծություն ներկայացնում ենք «Բարեգործի» ընթերցողին:

ՂԱՐԱԲԱՂԻ ՈՂԲԸ

**Ղարաբաղը մորս կանչն է,
Ինձ է կանչում հույսով տրտում,
Ղարաբաղը իմ կակաչն է
Կարմիր, բայց սև ունի սրտում:**

Դու էլ, դառած կովախնձոր, իմ բալիկն ես, այ՛ Ղարաբաղ, Մեղրդ օտար մեղվին տվող իմ ծաղիկն ես, այ՛ Ղարաբաղ, Հայաստանից քեզ պոկողը Հայաստանի եղբայրը չէ՛,- Երկուսիս մեջ դու էլ մոլոր իմ բալիկն ես, այ՛ Ղարաբաղ:

Քանի՛ բաժան դաժան տարի հայոց բերնին ախ ես դառել, Փոխել հայոց անունը Արցախ, օտար Ղարաբաղ ես դառել, Դարձել օտար ջաղացին ջուր, ազգիդ սրտին դաղ ես դառել,- Էլ չեմ կարող վիշտս լռել, վայ՛ ինձ ու քեզ, հայ՛ Ղարաբաղ:

Դեռ էն գլխից հայոց հող ես, աստվածընձա իմ լեռնաձոր, Քո դրախտից ձեռ քաշող հայն հայոց վայն է, իմ մեղրածոր, Թե եղբայր են՝ ինչո՛ւ են քեզ մեր մեջ դարձրել կովախնձոր,- Աստվածընձան ինչպե՛ս թողնես սատանային փայ, Ղարաբաղ՛:

Կթառամես անտիրական՝ այգեպանիդ ձեռքից գատված, Շիքյաստի ես խաբված յուրմ՝ Կոմիտասիդ երգից գատված, Քեզ չեն թողնի իշխան մնաս՝ մայր Սևանի գրկից գատված,- Քեզ կույ կտան մուղամները, գառդ կանեն գայ, Ղարաբաղ՛:

Դու չես ջոկվել, քեզ խլել են, որ մոռանաս երգերն հայոց, Ձորերիդ պես խորացել են անդնդախոր վերքերն հայոց, Ախ, ե՛րբ պիտի լեռներիդ պես վեր բռունցքվեն ձեռքերն հայոց, Որ չթողնեն Հայոց արծիվն օտար ծովին ճայ, Ղարաբաղ՛:

Բա՛ց այքերդ, անդո՛ւնդը տես, ե՛կ, մի՛ ձուլվիր օտար գարմին, Իմ տարագիր հայոց կռունկ, ե՛կ խառնվիր քո երամին, Մեզ չի կարող մահն էլ գատել, մի հոգի ենք ու մի մարմին,- Դու իմ Կարսի, իմ Սասունի, իմ Մասիսի թայ, Ղարաբաղ՛:

Մենակ դո՛ւ չես, որ դիմանամ, յոթը դրախտ ունեմ խլված,
Վանա ծովը, Կարսն ու Վանը, Միփան սարը, Անի՛ն փլված,
Հայկ Նահապետ Մասիսի պես դեռ բանտում են՝ ծունկ ծալված,-
Տարտարո՛ւն է Տարոնը դեռ, ո՛րք ես, Ավարա՛յր Արաբադ:

Ասում են, թե շեն է կյանքդ, առանց ազգի շենն ի՞նչ անեմ,
Երբ չի գնգում հայոց լեզվով, գինով թասի ձենն ի՞նչ անեմ,
Հյուսիսն ինքն էլ սառցալուռ է, էլ իմ անգոր քենն ի՞նչ անեմ,-
Գինիդ օտար թասն է խմում, արցունքդ հայն, այ՛ Արաբադ:

Բարեկամը որ քեզ խլեց, էլ թշնամին բան կտա՞՞ ետ,
Թե յուռ մնա քար աշխարհը՝ չարը Կարս ու Վան կտա՞՞ ետ,
Ի՞նչ դուռ բախեմ, որ ծիծաղեմ, ասեմ՝ Նախնական կտա՞՞ ետ,
Մոլորվել եմ ե՛ս էլ քեզ պես, պի՛հծ է աշխարհն, այ՛ Արաբադ:

Քանի իմ հողն ինձ չեք տվել՝ ձեզ ելուզակ պիտի ասեմ,
Ավարայրի Վարդան դառած՝ ես ձեզ վասակ պիտի ասեմ,
Երբ իմ բոլոր հողերն ինձ տաք՝ ձեզ հրեշտակ պիտի ասեմ,-
Պիտի պաշտեմ ողջ ազգերիդ, երբ որ չասեմ՝ վա՛յ Արաբադ:

Գո՛ւ էլ հայոց գրկից խլված իմ բալիկն ես, ի՛մ հեռավոր,
Պոռնկաշուրթ բախտի ձեռքին խաղալիք ես, ի՛մ լեռնաձոր,
Բայց ինչքան էլ բալիկիս պես մեր մեջ մնաս կովախնձոր՝
Շիրազն ասաց՝ աշխարհն անցնի՛ հայ գայիք ես,հայ՛ Արաբադ:

1959 թ.

ԱՐՑԱԴՄՈՒՀՈՒՆ

Ելեք տեսե՛ք՝ իմ Արցախից ի՛նչ հրաշքի հավք է գալիս,
Լեզվով՝ հայոց իդձերի գանգ, մարմնով մաքուր վանք է գալիս,
Երևանի յուսին կանայք, թաքնվեցե՛ք ամպի թողով,
Արևի կեսն առած դեմքին՝ սիրո ոսկի հանք է գալիս:

Քնած սիրտս հազար այքով վեր է թռչում իր ճամփեքին,
Թևեր չունեմ, ո՞նց փախցնեմ, հրեշտակ է սա, էլ ի՞նչ կին,-
Ես այն մորը ո՞նց մոռանամ, որ ծնել է այս եղնիկին.
Մորը ինչպե՛ս դրսում թողնեմ՝ ձագն ինձ հույսի գանգ է գալիս:

Ասես բոլոր եղնիկներն են մի կույս դատել՝ մտել քաղաք,
Նուշ այքերը նմուշ են՝ ծով իմ Արցախի մեղրաշողակ.
-Ա՛խ, նմուշից ո՞նց կշտանամ մի շիթ ձագն է՝ ծով մոր տեղակ,
Ես այս հուրու մորը կուզեմ, ձագով լոկ մի կյանք է գալիս:

Ալ շրթունքներն ի՛նչ շաքար են՝ այքով գրկողն ի՞նչ կիմանա,
Թեկուզ հազար այքով ուզեմ՝ դատարկ գիրկս ո՞նց դիմանա,
Ավա՛ղ,- ասին,- սիրած ունի՛ ինձ վառելով պիտի գնա .-
Մենակ ես չեմ... ողջ քաղաքը խելքից հանող բանգ է գալիս:

Քնի մեջ էլ փրփրում է սրտիս բերանն՝ ախ ու վախից,
Ա՛խ, այս վարդի մայրն է տենչս, ո՞նց ձեռ քաշեմ իմ Արցախից,
Օտարը որ ձեռ չի քաշում՝ ես ո՞նց քաշվեմ Հայոց թաղից. –
Արաբադված իմ Արցախից ահազանգի գանգ է գալիս:

Ելեք տեսե՛ք՝ ի՛նչ կարոտ է մայրաքաղաքն պեկոծում,-

ԽՄԲԱԳՐԱԿԱԶՍ

ԳԼԽԱՎՈՐ ԽՄԲԱԳԻՐ՝

ՍԱՄՎԵԼ ՄՈՒՐԱԴՅԱՆ
բան. գիտ. դոկտոր, պրոֆեսոր
ԽՄԲԱԳՐԱԿԱՆ ՀԱՆՁՆԱԽՈՒՄԲ՝

ԱՎԱԳՅԱՆ Ա., բ. գ. դ., պրոֆեսոր
ՄԵԼԻՔՅԱՆ Գ., բ. գ. թ., պրոֆեսոր
ՍԱՖԱՐՅԱՆ Ա., պ. գ. թ., պրոֆեսոր

Ա՛խ, ինչո՞ւ չես գույգ հոնքերիդ գոնե մեկով կամուրջ գցում.,
Որ ողջ Արցախն հետդ բերես, որ ծովանա հայոց ածուն,
Բե՛ր, որ ջրամ, թե արդուշանն ինչո՞ւ հայոց վանք է գալիս:

* * *

Ես երկաթե վարագույրի ետև եմ դեռ,
Իբր, ավա՛ղ, թեթև եմ դեռ,
Ես պողպատե վարագույրի ետև եմ դեռ,
Իբր անարժիվ անթև եմ դեռ:
Ես մահաբեր վարագույրի ետև եմ դեռ,
Իբր անբարի ու սև եմ դեռ,
Ինչ էլ հաչեն՝ ես՝ հայ ոգին, ես՝ հար անմեռ,
Աստղերի մեջ արև եմ դեռ:

* * *

Բավ է խաբվեք օտար հացով,
Բավ է թափվեք դուք ծովեծով,
Պանդուխտ իմ աղբյուրներ,

Ձեզ կձուլեն ծովերն օտար,
Ձեզ կձուլեն ծովերը չար՝
Կքանաք անտեր:

Կանգ է առել մեր վշտահար
Մասիսն, ինչպես ջաղացաքար,
Վերադարձե՛ք, ջրե՛ր,

Որ նոր աղունն հայոց հացի
Մասիս ու լեռ Արագածի
Երկու քարով աղանք,

Ելնե՛ք Մասիս ու գազաթին
Ցրենք հայոց վիշտը մթին,
Արև - դրոշ շողանք:

* * *

Մենք Մասիսին բերդ ունեինք, երբ տուն չունեք թշնամին,
Դեռ չգիտեք՝ Բոսֆորն ուր է, գայլ-թռչուն էր թշնամին,
Հիմա շան պես ելել Մասիս՝ վար է հաչում մեզ վրա,-
Ո՛վ մարդկություն, լռությունդ է Աստծու և մեր թշնամին:

* * *

Սի՛րտ իմ, մի՛թե դեռ չգիտես՝ ո՛վ է կտրում մեր ճամփան,
Իբր այրող անապատում հովն է փնտրում մեր ճամփան,-
Ավա՛ղ, ի՛նչ հով, սամո՛ւմ ասա՛՜ հով համբույրում ծպտված,
Հայո՛ց գետեր, ո՞նց խաբվեցիք, ծո՛վն է կտրում ձեր ճամփան:

*Համարի նյութերը, շարվածքը և ձևավորումը՝
Ս. Մուրադյանի:*

Տպաքանակը՝ 99: Թերթը բաժանվում է անվճար:
Խմբագրության հասցեն՝
Երևան 0025, Աբովյան 52 Ա, ԵՊՀ հայ բանասիրության ֆակուլ-
տետի մասնաշենք, 215 սենյակ:
Հեռ.՝ 060 710 629, 055 -52- 29-36, 55 – 25 - 37, 52- 29- 36: